

一新矣自江學政首倡新學繼之以徐學政簡要宏通舉歸實踐而襟佩之中嗚呼然一新矣其所以為新之具不一而假民自新之權以新吾民者厥有三要一曰創學堂改書院以造英年之髦士以智成材之宿儒也然而學堂書院之容積猶有限量自餘之不得入而肄業者以國量平澤若蕭顧安所得長裘廣廈而編覆翼之而編講論之乎二曰學會學會成則向之不得入學堂書院而肄業者乃賴以萃而講焉然而學會設於會城會城以外無由致其觀聽而況於外縣而況於外府是必更有推行之妙術不啻一佛化百千身一具身百千口一出口百千音執塗之人而強聒不舍而後可也三曰報紙報紙出則不得觀者觀不得聽者聽學堂之所教可以傳於一省是使一省之人遊於學堂矣書院之所課可以傳於一省是使一省之人聚於書院矣學會之所陳說可以傳於一省是使一省之人晤言於學會矣且又不徒一省然也又將以風氣浸灌於他省而予之耳而授以目而通其心與力而一切新政新學皆可以彌綸貫午於其間而無憾矣且夫報紙又是非與眾共之道也新會梁氏有君史民史之說報紙即民史也彼夫二十四家之撰述實不爛焉極其指歸要不過一姓之譜牒焉耳於民之生業靡得而詳也於民之教法靡得而紀也於民通商惠工務材訓農之章程靡得而畢錄也而徒專筆削於一己之私濫褒誅於興亡之後直筆壓壓而無以伸舊聞遂放失而莫之恤謚之曰官書官書其可悼也不有報紙以彰民史其將長此汶汶開闢以窮天而終古為暗啞之民乎西人論人與禽獸靈愚之比例人之所以能喻志與事以顯其靈而萬過於禽獸者以其能言耳而暗之而啞之其去禽獸幾何矣嗚呼防民之口甚於防川此周之所以亡也不毀鄉校此鄭之所以安也導之使言誰毀誰譽此三代之所以直道而行也吾見湘報之出敢以為湘民慶曰諸君復何憂乎國有口矣

電傳 上諭○甘肅肅州鎮總兵員缺著陳元壽補授欽此

黃公度廉訪會籌課吏館詳文
為遵札會議詳覆事奉 撫憲札開照得課吏館之設欲使候補各員講求居官事理研習吏治刑名諸書而考其所得之淺深用力之勤惰第其等差酌給獎賞實津貼於策勵之中其才識高下亦因之可見法誠至善惟僅祇每月一課分給獎賞候補各員藉資津貼不無裨益而於讀書讀律之道未有益也分人以財謂之惠教人以善謂之忠古者學而後從政未聞以政學也既有課吏之名即應循名責實必使候補正佐各員皆知有向學之方期得學問之益日有所考畫有所稽學業有成而後出而從政不至茫無所知徒假手於人一聽書吏提撥且既已研窮書籍講明義理則志趣日正神智日開中材可成大器實為造就人材整飭法術之要惟本部院事務繁多不能常親督飭必須須有大員總理其事尤必先安議章程務求課吏之實查該署臬司學有本源講求經濟近來辦理刑名案件準理酌情深得例意非久將回本任職事清簡堪以總理課吏事宜合行札委為此札仰該署司即便遵照總理課吏館一切事務越日先將課吏切實

章程會同藩司及善後局各司道妥為擬議斟酌盡善詳候本部院核奪施行一面將現行月課先行停止毋違切切此札等因奉此本署臬司查政治賴乎人材人材成於學問古者選士升之司徒論定後官位定後祿鄉自比長黨正以至鄉大夫國自小胥以至師氏保氏其教於未用之先者至詳至密也計吏統於太宰旬正日成月要歲會廉善廉正廉敬以顯其德廉法廉能廉辨以察其材其課於已仕之後者至周至慎也自選舉變而士鮮實修仕途雜而官無實學不獨猥瑣脂韋巧黠之徒以學製美錦為常存何必讀書之念即起自科目者亦徒瀟瀟虛文而少實際律例兵農簿書錢穀均非平日所服習一入仕途心搖目眩但憚憚然自顧考成以有干吏議為懼舉一切事務聽命於吏胥進退為謹若其計較錙銖揣量肥瘠行私罔上無所不為更無論矣此其弊在於不學惟不學而仕亦竟有僥倖肆志之時於是舉天下正途雜途充溢行省咸爭捷足以官為市以學為迂遇有教品力學之人轉從而非笑賢者或毀方瓦合中材則隨俗波靡輪班聽鼓退食委蛇圖計民生教化風俗均置之不問是不學而從政並未嘗以政學也赤芾三百貽羞鵲梁吏治之壞伊於胡底湘省向設課吏館使候補各員研習吏治酌給獎賞用意良厚惟每月祇一課每課祇一文尋行數墨以爭一日之長短而搜檢夾袋杜絕鎗替一切疏闊又不能與試官考試比故雖有課吏之名仍於吏治無裨且佐貳到省人員恃有此每月數兩之津貼爭相分發紛至沓來上年冬間報到者竟有三十餘員鑽營奔競以求差使亦勢所必然守此不變非徒無益抑且有損湖南本天下望國士大夫負教養斯民之責不思勤求治理新我大邦以上紵 宵旰之憂勸下拯生民之饑溺自顧車服能無慚懼幸逢 撫憲整頓百廢無曠官札飭署臬司總理課吏事宜並會同藩司臬司等妥議章程詳候核奪本司臬司職道等遵即反覆籌商就現在時勢及應盡職分宜切實講求以見諸施行者約分其類為六風氣習尚士居民首與學育才所以開民智而開物成務也故學校居首農桑種植工藝制作食貨之經生命之源所以利用厚生而取復利權也故次農工修城池以資保衛治道路以便運輸通溝洫以救旱潦而鐵路輪舟尤為要務故次工程讀律者實知其意援例者實得其情成案者貫通其變而條約公法更相輔而行故次刑名清內禪外安良除莠寇盜奸宄會匪棍徒惡習皆民賊也故次緝捕海禁既開交涉日密通商游歷立堂傳教保護失宜化導無術皆禍端也故交涉殿焉各類書籍聽習專門質之館長登諸札記辨其疑難詳為批答俾日就月將銖積寸累復設為課格填注分數積分之法亦有三類曰勤業曰善問曰進益分填合計即仿日成月要之意以九十分為合格其已及格者則以溢分之多寡為給獎之厚薄每三個月大考一次每半年各司道隨同 撫憲至館彙考一次核冊列等飭知全省各道府州縣以資鼓勵分財即以教善徵實而非虛文數年之後人才日盛可操券獲也伏查前 撫憲吳 創設斯館專課在省候補各員其實缺及署理人員均不與焉伏讀 撫憲札飭既有課吏之名即應循名責實原可合全省官吏共切講求課其論政之言復課其行政之實惟此項現任實缺及署理人員論其職事雖不出六類之外而課其政績自有兩司計典

隨時黜陟此館可毋庸兼及如有志切向學繕寄札問館長總理自必一律批答或有與利除弊切實求者亦應由館中另稟 撫憲察核辦理附陳二條以備採擇伏讀本年正月初六日 上諭設經濟特科合三品以上京官及督撫學政各舉所知無論已仕未仕均得奏保試擇用並督飭各新舊書院學堂切實經理認真訓迪等因時事當需才孔亟之秋 朝廷已深知不學無術之弊若統全省官吏而課之推科舉之變格宏課吏之規模教於未用之先詢以方用之事察吏之外兼以所學之淺深課其政之殿最用以賢制爵以功詔祿以能詔事之意一勸之以學此則 撫憲自有權衡亦為司道等無須瀆陳者矣所有奉札擬改課吏館章程各緣由是否有當理合將會同酌議新章詳請 憲台俯賜查核批示祇遵

改併瀏陽城鄉各書院為致用學堂公啟

瀏陽譚嗣同撰

瀏陽書院凡六城內曰南臺東鄉曰獅山曰洞溪西鄉曰文華北鄉曰文光夫其習禮容臺橫經講舍儒雅之風斯蔚序塾之誼彌敦運際隆平之時生逢右文之代即此亦足以造士無所更用其改絃流衍當年迄乎有永豈不既盛矣乎誰復容其喙者無如天關洩瀉海水橫飛中外通為一家非復畫疆之舊古今僅此奇變詎能袖手而觀潮自遼海行成膠濟縱貫難既棘於生民憂更貽於 君父揆厥禍始端在才難人挾八股八韻之文以之治內猶嫌不足而何況於攘外家順不識不知之則以之守經或尚無濟而何況於達權上有俊父之求下無鐘球之應疾視而莫救掩卷而咨嗟斯既雄志強立之士所引為深恥者矣於是 聖天子毅然改圖渙其大號首變科舉抑置虛文苟非知時應變之才將不容其進取不有專門擅長之學何能與彼爭升且徧設學堂已有 明詔改併書院疊沛 綸音多士登進之途既寬學堂出身者准其一體鄉試而更將破格予官教習優保之例並啟訓迪有方者准其據實奏聞而隨即量材器使加以 撫部陳公最重實學學堂廣立於省城學院徐公尤薄時文手諭條教屢頒於畿序無非勉人為識時務之俊傑庶幾合羣以挽國步之艱難我瀏陽士氣純龐人文蔚起以校應貢之選恆遠在他州縣上以言開新之風仍不出相伯仲間苟不及時編繆早思變計將見九萬揮扶搖而上掩袂向隅數千被袷之倫東書坐廢雖隱居教授之不可得復飛黃騰達之何所由願我同儕寧不扼腕撫茲時局尤可寒心夫人之欲善誰不如我窮則思變蓋亦有然特苦就學無從有志未逮聲光化電之精微與妙豈可不師而能圖書儀器之燦爛高華尤非巨費莫辦合謀則細於漁散獨任又無以支持上年雖創算學館於縣城而員額未宏徑途復隘今將別營精舍於鄉里而草創不易費更難勢非暫仍舊貫重訂新章遂成生面之別開一洗從前之簡陋而改書院為學堂不可矣惟是學堂之規模歲費數千金以上而各書院之散布相去數十里而遙獨立則力不能供相輔則遠莫之致同一縣而此疆爾界何殊左畫右畫而一事而別戶分門終於一無成而兩俱敗况各書院或經費未裕停課時間或考工未竣開院有待即或僅能敷

衍亦覺收效微茫正使率由舊章猶虞竭蹶忽值適更新政何以圖謀此無他舉學者易舉而備多則力分勢所必至理有固然也今議將舊有之六書院及新立之算學館併而為一改建學堂於縣城視各書院產業之分數為其鄉肄業生之類數豐寡多寡各不相侵其名雖合其實仍與分建者無異功效既均利益尤溥然後廣造齋舍擇聘名師品學兼綜中西並茂經義治事各切一門格致方言咸臻絕詣行親力合而巨業專而精征吉之占茅以策拔匡時之傑史不絕書文致太平光復區宇夏聲必大造端靡微後世推原其功必曰微諸君子之力不及此下走不敏與有榮施惟諸君子好行其德實慎圖之

上海道告示續前稿

第十九條凡遇下開日期應閉院門如禮拜日通國休息諸日陽歷正月初一日起至初七止陽歷十二月二十五日起至三十一日止 博物院推陳商貨章程 第一條凡有欲於博物院內擺陳貨物之人須稟博物院官員照後列格式以日本文或以英德法文將每物件詳細叙明開列清單隨稟附呈每一寄擺之人送擺幾物如不同類應先安分門類然後寄送到院 第二條院官安查之後寄擺物件宜擺與否將其所見通知稟請擺貨之人 第三條一經通知允准之後即將貨物牢固裝箱寄院每貨物上註以通商貨樣等字書寫寄至日本東京農商部通商博物院並將送擺之人姓名住址一併附書 第四條包內所裝貨物名目號數如與第二條所允准者一概相符而與第二條所准不符諸貨或貨到院時已受傷損應不陳外每包貨內應由寄擺之人開具一單寫明地方博物院驗明發出收條給與寄擺之人收執 第五條寄擺之人不論何時可請准換所擺某物或請領回博物院亦可隨時告知寄擺之人撤回所擺某物或換所擺某物 第六條所擺某物如經認明實係秘要之物或特於人有益院官可得買之 第七條隨同寄擺之件可將出貨傳貨年表及其通商碼號即常用包貨之包皮等一併附送 第八條寄擺之物應選何處擺陳院官獨操其權 第九條擺陳貨件所有一切事可由院官經理如寄擺之人能由居住東京橫濱神戶三城之人延請代辦一切細事亦可由此代辦經理此等代辦姓名應於寄擺貨時一併稟聞院官經理寄擺之人如蒙院官允准亦可自行安排所擺之件備須院官指示院官亦可傳知寄擺之人遵照辦理 第十條寄擺之人祇准包貨費用並出運貨至院由院運回等項運費至安寄排貨應需諸費應由院款撥付遇有特出事故亦可提用院款以付運費 第十二條排陳特值多錢之物院官查明在所當行可付租價若干 第十三條寄排人等如蒙院官允准可於所排貨件周圍加以裝飾或將貨物置於裝飾套內其費全由寄院人等出之 第十四條如非遵照第一條特定章程凡未豫付運費之包櫃不取受送此包人如不知其為誰院官應有權柄酌量處置此項包件 第十五條院官豫設安法保內寄排諸物如被水火傷損染污或被盜劫遺或因他項難免事故傷損染污遺失者均不得惟院官是問 第十六條求地排貨之人如果太

多或因別項不得已緣故院官暫可辭取安排寄夾之物 第十七條如遇寄排機需現在准照排陳小件 第十八條
博物院章程第一條所定稟請准排貨件之事應准照章程第一條第九第十第十二第十四第十五等章程飭令准行補
錄稟請格式年月日上呈農商部運商博物院監察某某等稟請准將附呈單內所列借排或贈排諸物取院排陳並照
總章程派委在內住宿作為代辦 此稿未完

南學會問答○長沙徐幻銀問○今夫南學之設大無益於湘省也且徒言學會所講者不過天文地理俗情常談
聞之者昏昏欲睡講者徒費唇舌不若舍此學而言土農工商以有神於國家今第舉其大意而言之則亦何益哉廢此
學而改議院以廣招徠庶我中國有挽回人倫義勿尚利講學會者何勿於此中研究惟湘省實力圖之○答曰議院
有別各國有上下議院公議政事此是國制下不敢干若府縣市町村會議員選舉本學會已畧做其意章程載會友之
別有三一曰議事會友一曰講論會友一曰通信會友皆以品學兼著名望孚洽者充之現在議事會友即屬
之創事諸人俟規模大定再於諸會友中隨時公舉今置院議政雖無此例然本會官紳合辦各大憲親臨會講鄉校
之議未嘗不採取於其中今必欲改學會為議院必 國家先立上下議院而後可行乎凡辦事有條理發言亦
然驟進無序大雅所譏本學會為總學會將來農工商礦醫兵學各會皆擬總管於本會士大夫雖不必親執藝事當知
藝理諸君分類講求甚善但初次開講意在誘進中才由淺入深故或講大意或講專門臨時酌定足下謂必專講土農
工商夫士農工商名義甚多一部廿二史從何處說起亦須分條講說天文地理凡士農工商各學中皆有之足下乃聽
之昏昏欲睡有志之言不宜有此○善化徐潤芝問○竊聞各學已言之詳矣惟我省醫學一門久置不論而外洋最重
此學講究甚詳不知此學乃互古至重之學欲行醫學非設科取士萬難效求且湘省士人亦藐視此學其果何道以舉
行之三復難甚試為質之○答曰所問見解特超切中時弊至佩至佩竊謂中國人民有切身之害二學校不修民愚難
智一也醫學不明衛生無術二也二者之中尤以醫為最急無論貧富賤賤智愚賢不肖其生死一理其所求於醫者未
有不迫且切也中國之人精神之壞於博奕酒色鴉片自暴自棄者無足怪矣即飲食不節起居不時街道不淨溝瀆不
通穢氣充塞瘟疫隨之皆致死之由也所謂醫者讀醫方合編一篇即以醫理鳴之於世雜藥亂投寒熱誤用病者既死
則其家皆謂大數有定天之所為非醫之罪也醫何功德而有天為之任吾獨不解中國之人竟視其身之輕若鴻
毛為人子孫者竟視其祖父之命為不足輕重而聽其以身試藥也泰西則不然醫有學堂非經致驗不准行醫甚至婦
人生產死尸勘驗皆醫為之即賣藥之家亦極慎重買者姓名亦次記簿藥之分兩若重或大毒之物皆再三追問不敢
輕予其視百姓性命抑何其珍重如是也中國欲明醫學固宜設立學堂然非兼習西醫不可蓋西人以醫為人生第一
要義其有好名之人臨死時遺命其子孫捨身醫院剖驗其軀骸以為功德故西人於脈絡骨肉臟腑氣血及細微之物

蠟製圖繪無不精加致求中醫圖既不精書亦各異藥名向不週知通論經絡之詳吾願各行省官紳與其立有名無實
之善堂不如改為醫學堂之陰功更善也○張廣樂問○物窮則變意在振興今日農情於斯為極中州沃壤而粵人食
米買於暹羅此其明徵游勇無歸盜風不弭商務外權賑濟絡繹接厥由來皆因農學荒廢小民生計日拙故棄本而逐
末十有九人代田後稷法也漢趙過曾行之畝倍常田區田伊尹作以救旱也宜於高陸畝常五倍 國朝朱蘊叔為
蒲令及為太原司馬均試之畝可三十石聊城鄧公鎮岳行之畝多常田二十斛直撫李公准鈞試之保定獲十六石要
其多寡不一由其講法不精楚南向種縵田水田遇薄年告賑四出今若盡棄荒地使平曠種代田高陸種區田官督紳
率講明西人相土擇種之法選老農而詳教之仿製機器農具借用之先試行之一鄉一隅觀其收穫田主佃戶均酌獎
之以勸後者俾有成效再達 天聰遵照乾隆十一年廣東高雷廉等府十八年瓊州三十一一年雲南皆令民墾地概免
升科之例合之順治十年令士民墾地試官之例令各省舉行焉地有遺利人有餘力誰不樂從應借遊以歸本業前此
之弊亦可挽也務本立學蓋在是歟○答曰所問深為根本切要之圖華人徒見西人之輪船槍砲及一切精巧之器以
為其工商之學無可與敵而不知其所重者實以農為第一也推算各國百姓之生業惟農佔百分之七十十分蓋農者
種植以生物也工者製造以成物也商者流通以運物也三者相輔而行若非農則工商為無用矣西人地文學家謂地
所受日之熱力每一英里可養至一萬六千人又推算中國之地苟以西國農學新法經營每年增款可得六十九萬一
千二百萬兩然則中國非人滿之足患乃地力不盡農學不講之足患也俄有三年一種之法其所獲反倍於三年之數
中國亦有播種之前先種菜以肥其田者蓋地質不培愈用則愈瘠中外之理一也上海去年曾設農學會湖北張制軍
今年亦設農學堂中國漸漸發明此義矣湖南能得如公等數人為之倡與必有效驗鄙人願視其成也

本月二十五日日用各物時價表

物名	每	實	價值	比較
銀	兩湘平		一千二百九十八文	加一文
銀圓	圓	七錢五分湘平	八百八十二文	減一文
錢票	千文		七錢七分	減一厘
上白米	石	一百五十五觔	三千文	
次白米	石	一百五十二觔	二千九百文	

湘報第十一號 四十四

中米	石	一百五十勛	二千八百文
穀	石	一百二十四勛	一千四百文
灰麩	百勛		三千六百文
洋麩	包		二兩六錢
安化茶	勛		五十六文
淮鹽	勛		七兩三錢
茶油	百勛		七兩
茶油	百勛		一兩九錢
洋油	箱二桶	五十勛	一百二十文
牛油燭	勛		一百零四文
豬肉	勛		一百二十二文
雞	勛		一百二十八文
鴨	勛		八十八文
鮮魚	勛		三十六文
塊煤	百勛加一		三百六十文
烟煤	百勛		三百二十文
柴煤	衡半較者斗加二五		二十二文
木炭	百勛		一千文

譯印中西文地圖股票出售

此圖係新化鄒沅帆大令在外洋購求各種西文精圖在湘設局詳細繪繪共六百六十七幅險要扼塞莫不詳載定價八十一元如購股票者只收回紙印費五十元先收二十五元第一次交亞洲北面圖百幅應續收股洋二十元第二次出內地直省圖二百六十幅再收股洋五元第三次出亞歐美阿澳各圖二百零七幅約兩年告成現於去秋赴日本用爛銅法鑄印已將第一次圖印出精工異常如欲購者請至本館面定可也

本館告白

敬啟者本館初次開辦人工日夜不輟勞頓異常現定每月以房虛昴星日為休息之期本月二十八日逢星應不出報特此布告
本館現開設省城小東街每日出報一張每張可裁作四葉集訂成書零售取錢五文每月取錢壹百叁拾文十五日出報起無論官紳士商均送報半月不取報費半月以後有願閱者請知會送報人掛號註明姓氏居址以便逐日送報按月收費

邵陽樊維撰

開誠篇二

咸同之中興也以曾文正胡文忠最為洞開門庭疏通血氣積真意以動世布至公以濟事去官場之隔閡聯疆臣為一家自三江兩湖及西北東南諸省除文移公件之外函商之文手致之草無月無日不有險阻艱難無事不共屈伸消長無况不俱已而天下皆化意見相消上至督撫下至營卒靡不外託寮友之誼內結骨肉之親其稍有扞格者則未嘗不盡情敷合之其大相陰陽者則未嘗不苦心周旋之此人豈真能潔然一無所私哉其所以克之歷之汲汲焉惟不及者誠不忍以一人之私而危害天下大局之公也去其私固濟其公非為己也抑非徒為大局也為此不忍之所至直不能一息或絕如有所驅焉不容已也其卒也於大局益於人益於己更益使天下萬世稱之兆民懷之國家尸之子孫享之功垂於宇軸精貫於靡極與起乎後賢而觀法乎來哲則是公乃真所以為大私也則是真私者乃真天下之至公也人之於身九竅四肢互相濟乃足以生其所以濟則以血輪之流注而絕無一毫之滯也以氣筋之貫達而絕無一毫之塞也今使不用於手足則必有偏枯之症矣今使不用於耳目口鼻陰陽諸竅則必有聾盲暗核滯阻之症矣使人而無手足耳目口鼻陰陽諸竅則為乾坤之廢物而已數者缺一不暢焉則非全人矣偶而中此病則有死亡之患矣夫眾人者週知所以調其血輪養其氣筋也則足以生也無疑矣夫會胡者週知所以調中國之血輪養中國之氣筋也則足以生斯世也無疑矣統地球有大血輪焉有大氣筋焉此無人調之養之者其幾微見矣故輪船火車電線郵政調血輪養氣筋之大物也各國之通商互市會盟聘好合縱連衡公理公法此所謂小調養之始也其大調養在後也今使地球之血輪不調氣筋不養則不能鄰國相望不相往來閉關鎖港絕市而相安無事也則將洗兵四洋血戰六海日月變色風雲帶憤而天地無光故夫小調養抑不可無也此非獨五洲也今夫義人之血輪不調氣筋不養則喪歐洲之大權矣今夫普人之血輪不調氣筋不養則覆於拿破侖矣今夫法人之血輪不調氣筋不養則路易喪而巴黎幾滅矣今夫俄人之血輪不調氣筋不養則殺戮相繼亂黨橫行而迄今未已矣今夫日人之血輪不調氣筋不養則困於諸侯辱於歐洲而幾亡於大將軍矣今夫事不至萬窮者則一智不開也勢不至萬迫者則一念之惻恒不肯發也水不至漲天

一新矣自江學政首倡新學繼之以徐學政簡要宏通舉歸實踐而襟佩之中嗚呼然一新矣其所以為新之具不一而假民自新之權以新吾民者厥有三要一曰創學堂改書院以造英年之髦士以智成材之宿儒也然而學堂書院之容積猶有限量自餘之不得入而肄業者以國量平澤若蕭顧安所得長裘廣廈而編覆翼之而編講論之乎二曰學會學會成則向之不得入學堂書院而肄業者乃賴以萃而講焉然而學會設於會城會城以外無由致其觀聽而況於外縣而況於外府是必更有推行之妙術不啻一佛化百千身一具身百千口一出口百千音執塗之人而強聒不舍而後可也三曰報紙報紙出則不得觀者觀不得聽者聽學堂之所教可以傳於一省是使一省之人遊於學堂矣書院之所課可以傳於一省是使一省之人聚於書院矣學會之所陳說可以傳於一省是使一省之人晤言於學會矣且又不徒一省然也又將以風氣浸灌於他省而予之耳而授以目而通其心與力而一切新政新學皆可以彌綸貫午於其間而無憾矣且夫報紙又是非與眾共之道也新會梁氏有君史民史之說報紙即民史也彼夫二十四家之撰述實不爛焉極其指歸要不過一姓之譜牒焉耳於民之生業靡得而詳也於民之教法靡得而紀也於民通商惠工務材訓農之章程靡得而畢錄也而徒專筆削於一己之私濫褒誅於興亡之後直筆壓壓而無以伸舊聞遂放失而莫之恤謚之曰官書官書其可悼也不有報紙以彰民史其將長此汶汶開闢以窮天而終古為暗啞之民乎西人論人與禽獸靈愚之比例人之所以能喻志與事以顯其靈而萬過於禽獸者以其能言耳而暗之而啞之其去禽獸幾何矣嗚呼防民之口甚於防川此周之所以亡也不毀鄉校此鄭之所以安也導之使言誰毀誰譽此三代之所以直道而行也吾見湘報之出敢以為湘民慶曰諸君復何憂乎國有口矣

電傳 上諭○甘肅肅州鎮總兵員缺著陳元壽補授欽此

黃公度廉訪會籌課吏館詳文
為遵札會議詳覆事奉 撫憲札開照得課吏館之設欲使候補各員講求居官事理研習吏治刑名諸書而考其所得之淺深用力之勤惰第其等差酌給獎賞實津貼於策勵之中其才識高下亦因之可見法誠至善惟僅祇每月一課分給獎賞候補各員藉資津貼不無裨益而於讀書讀律之道未有當也分人以財謂之惠教人以善謂之忠古者學而後從政未聞以政學也既有課吏之名即應循名責實必使候補正佐各員皆知有向學之方期得學問之益日有所考畫有所稽學業有成而後出而從政不至茫無所知徒假手於人一聽書吏提撥且既已研窮書籍講明義理則志趣日正神智日開中材可成大器實為造就人材整飭法術之要惟本部院事務繁多不能常親督飭必須須有大員總理其事尤必先妥議章程務求課吏之實查該署臬司學有本源講求經濟近來辦理刑名案件準理酌情深得例意非久將回本任職事清簡堪以總理課吏事宜合行札委為此札仰該署司即便遵照總理課吏館一切事務越日先將課吏切實

章程會同藩司及善後局各司道妥為擬議斟酌盡善詳候本部院核奪施行一面將現行月課先行停止毋違切切此札等因奉此本署臬司查政治賴乎人材人材成於學問古者選士升之司徒論定後官位定後祿鄉自比長黨正以至鄉大夫國自小胥以至師氏保氏其教於未用之先者至詳至密也計吏統於太宰旬正日成月要歲會廉善廉正廉敬以顯其德廉法廉能廉辨以察其材其課於已仕之後者至周至慎也自選舉變而士鮮實修仕途雜而官無實學不獨猥瑣脂韋巧黠之徒以學製美錦為常存何必讀書之念即起自科目者亦徒溺虛文而少實際律例兵農簿書錢穀均非平日所服習一入仕途心搖目眩但憚憚然自顧考成以有干吏議為懼舉一切事務聽命於吏胥進退為謹若其計較錙銖揣量肥瘠行私罔上無所不為更無論矣此其弊在於不學惟不學而仕亦竟有僥倖肆志之時於是舉天下正途雜途充溢行省咸爭捷足以官為市以學為迂遇有教品力學之人轉從而非笑賢者或毀方瓦合中材則隨俗波靡輪班聽鼓退食委蛇圖計民生教化風俗均置之不問是不學而從政並未嘗以政學也赤芾三百貽羞鵷梁吏治之壞伊於胡底湘省向設課吏館使候補各員研習吏治酌給獎賞用意良厚惟每月祇一課每課祇一文尋行數墨以爭一日之長短而搜檢夾袋杜絕鎗替一切疏闊又不能與試官考試比故雖有課吏之名仍於吏治無裨且佐貳到省人員恃有此每月數兩之津貼爭相分發紛至沓來上年冬間報到者竟有三十餘員鑽營奔競以求差使亦勢所必然守此不變非徒無益抑且有損湖南本天下望國士大夫負教養斯民之責不思勤求治理新我大邦以上紵 宵旰之憂勸下拯生民之饑溺自顧車服能無慚懼幸逢 撫憲整頓百廢無曠官札飭署臬司總理課吏事宜並會同藩司臬司等妥議章程詳候核奪本司臬司職道等遵即反覆籌商就現在時勢及應盡職分宜切實講求以見諸施行者約分其類為六風氣習尚士居民首與學育才所以開民智而開物成務也故學校居首農桑種植工藝制作食貨之經生命之源所以利用厚生而取復利權也故次農工修城池以資保衛治道路以便運輸通溝洫以救旱潦而鐵路輪舟尤為要務故次工程讀律者實知其意援例者實得其情成案者貫通其變而條約公法更相輔而行故次刑名清內禱外安良除莠寇盜奸宄會匪棍徒惡習皆民賊也故次緝捕海禁既開交涉日密通商游歷立堂傳教保護失宜化導無術皆禍端也故交涉殿焉各類書籍聽習專門質之館長登諸札記辨其疑難詳為批答俾日就月將銖積寸累復設為課格填注分數積分之法亦有三類曰勤業曰善問曰進益分填合計即仿日成月要之意以九十分為合格其已及格者則以溢分之多寡為給獎之厚薄每三個月大考一次每半年各司道隨同 撫憲至館彙考一次核冊列等飭知全省各道府州縣以資鼓勵分財即以教善徵實而非虛文數年之後人才日盛可操券獲也伏查前 撫憲吳 創設斯館專課在省候補各員其實缺及署理人員均不與焉伏讀 撫憲札飭既有課吏之名即應循名責實原可合全省官吏共切講求課其論政之言復課其行政之實惟此項現任實缺及署理人員論其職事雖不出六類之外而課其政績自有兩司計典

多或因別項不得已緣故院官暫可辭取安排寄夾之物 第十七條如遇寄排機需現在准照排陳小件 第十八條
博物院章程第一條所定稟請准排貨件之事應准照章程第一條第九第十第十二第十四第十五等章程飭令准行補
錄稟請格式年月日上呈農商部運商博物院監察某某等稟請准將附呈單內所列借排或贈排諸物取院排陳並照
總章程派委在內住宿作為代辦 此稿未完

南學會問答○長沙徐幻鯉問○今夫南學之設大無益於湘省也且徒言學會所講者不過天文地理俗儒常談
聞之者昏昏欲睡講者徒費唇舌不若舍此學而言土農工商以有神於國家今第舉其大意而言之則亦何益哉廢此
學而改議院以廣招徠庶我中國有挽回人倫義勿尚利講學會者何勿於此中研究惟湘省實力圖之○答曰議院
有別各國有上下議院公議政事此是國制下不敢干若府縣市町村會議員選舉本學會已畧做其意章程載會友之
別有三一曰議事會友一曰講論會友一曰通信會友皆以品學兼著名望孚洽者充之現在議事會友即屬
之創事諸人俟規模大定再於諸會友中隨時公舉今置院議政雖無此例然本會官紳合辦各大憲親臨會講鄉校
之議未嘗不採取於其中今必欲改學會為議院必 國家先立上下議院而後可行乎凡辦事有條理發言亦
然驟進無序大雅所譏本學會為總學會將來農工商礦醫兵學各會皆擬總管於本會士大夫雖不必親執藝事當知
藝理諸君分類講求甚善但初次開講意在誘進中才由淺入深故或講大意或講專門臨時酌定足下謂必專講土農
工商夫士農工商名義甚多一部廿二史從何處說起亦須分條講說天文地理凡士農工商各學中皆有之足下乃聽
之昏昏欲睡有志之言不宜有此○善化徐潤芝問○竊聞各學已言之詳矣惟我省醫學一門久置不論而外洋最重
此學講究甚詳不知此學乃互古至重之學欲行醫學非設科取士萬難效求且湘省士人亦藐視此學其果何道以舉
行之三復難甚試為質之○答曰所問見解特超切中時弊至佩至佩竊謂中國人民有切身之害二學校不修民愚難
智一也醫學不明衛生無術二也二者之中尤以醫為最急無論貧富賤賤智愚賢不肖其生死一理其所求於醫者未
有不迫且切也中國之人精神之壞於博奕酒色鴉片自暴自棄者無足怪矣即飲食不節起居不時街道不淨溝瀆不
通穢氣充塞瘟疫隨之皆致死之由也所謂醫者讀醫方合編一篇即以醫理鳴之於世雜藥亂投寒熱誤用病者既死
則其家皆謂大數有定天之所為非醫之罪也醫何功德而有天為之任吾獨不解中國之人竟視其身之輕若鴻
毛為人子孫者竟視其祖父之命為不足輕重而聽其以身試藥也泰西則不然醫有學堂非經致驗不准行醫甚至婦
人生產死尸勘驗皆醫為之即賣藥之家亦極慎重買者姓名亦次記簿藥之分兩若重或大毒之物皆再三追問不敢
輕予其視百姓性命抑何其珍重如是也中國欲明醫學固宜設立學堂然非兼習西醫不可蓋西人以醫為人生第一
要義其有好名之人臨死時遺命其子孫捨身醫院剖驗其軀骸以為功德故西人於脈絡骨肉臟腑氣血及細微之物

蠟製圖繪無不精加致求中醫圖既不精書亦各異藥名向不週知通論經絡之詳吾願各行省官紳與其立有名無實
之善堂不如改為醫學堂之陰功更善也○張廣樂問○物窮則變意在振興今日農情於斯為極中州沃壤而粵人食
米買於暹羅此其明徵游勇無歸盜風不弭商務外權賑濟絡繹接厥由來皆因農學荒廢小民生計日拙故棄本而逐
末十有九人代田後稷法也漢趙過曾行之畝倍常田區田伊尹作以救旱也宜於高陸畝常五倍 國朝朱蘊叔為
蒲令及為太原司馬均試之畝可三十石聊城鄧公鎮岳行之畝多常田二十斛直撫李公准鈞試之保定獲十六石要
其多寡不一由其講法不精楚南向種縵田水田遇薄年告賑四出今若盡棄荒地使平曠種代田高陸種區田官督紳
率講明西人相土擇種之法選老農而詳教之仿製機器農具借用之先試行之一鄉一隅觀其收穫田主佃戶均酌獎
之以勸後者俾有成效再達 天聰遵照乾隆十一年廣東高雷廉等府十八年瓊州三十一一年雲南皆令民墾地概免
升科之例合之順治十年令士民墾地試官之例令各省舉行焉地有遺利人有餘力誰不樂從應借遊以歸本業前此
之弊亦可挽也務本立學蓋在是歟○答曰所問深為根本切要之圖華人徒見西人之輪船槍砲及一切精巧之器以
為其工商之學無可與敵而不知其所重者實以農為第一也推算各國百姓之生業惟農佔百分之七十蓋農者
種植以生物也工者製造以成物也商者流通以運物也三者相輔而行若非農則工商為無用矣西人地文學家謂地
所受日之熱力每一英里可養至一萬六千人又推算中國之地苟以西國農學新法經營每年增款可得六十九萬一
千二百萬兩然則中國非人滿之足患乃地力不盡農學不講之足患也俄有三年一種之法其所獲反倍於三年之數
中國亦有播種之前先種菜以肥其田者蓋地質不培愈用則愈瘠中外之理一也上海去年曾設農學會湖北張制軍
今年亦設農學堂中國漸漸發明此義矣湖南能得如公等數人為之倡與必有效驗鄙人願視其成也

本月二十五日日用各物時價表

物名	每	實	價值	比較
銀	兩湘平		一千二百九十八文	加一文
銀圓		七錢五分湘平	八百八十二文	減一文
錢票	千文		七錢七分	減一厘
上白米	石		一百五十五觔	
次白米	石		一百五十二觔	
			二千九百文	

湘報第十一號 四十四

中米	石	一百五十勛	二千八百文
穀	石	一百二十四勛	一千四百文
灰麩	百勛		三千六百文
洋麩	包		二兩六錢
安化茶	勛		五十六文
淮鹽	勛		七兩三錢
茶油	百勛		七兩
茶油	百勛		一兩九錢
洋油	箱二桶	五十勛	一百二十文
牛油燭	勛		一百零四文
豬肉	勛		一百二十二文
雞	勛		一百二十八文
鴨	勛		八十八文
鮮魚	勛		三十六文
塊煤	百勛加一		三百六十文
烟煤	百勛		三百二十文
柴煤	衡半較者斗加二五		二十二文
木炭	百勛		一千文

譯印中西文地圖股票出售

此圖係新化鄒沅帆大令在外洋購求各種西文精圖在湘設局詳細繪繪共六百六十七幅險要扼塞莫不詳載定價八十一元如購股票者只收回紙印費五十元先收二十五元第一次交亞洲北面圖百幅應續收股洋二十元第二次出內地直省圖二百六十幅再收股洋五元第三次出亞歐美阿澳各圖二百零七幅約兩年告成現於去秋赴日本用爛銅法鑄印已將第一次圖印出精工異常如欲購者請至本館面定可也

本館告白

敬啟者本館初次開辦人工日夜不輟勞頓異常現定每月以房虛昴星日為休息之期本月二十八日逢星應不出報特此布告
本館現開設省城小東街每日出報一張每張可裁作四葉集訂成書零售取錢五文每月取錢壹百叁拾文十五日出報起無論官紳士商均送報半月不取報費半月以後有願閱者請知會送報人掛號註明姓氏居址以便逐日送報按月收費

邵陽樊維撰

開誠篇二

咸同之中興也以曾文正胡文忠最為洞開門庭疏通血氣積真意以動世布至公以濟事去官場之隔閡聯疆臣為一家自三江兩湖及西北東南諸省除文移公件之外函商之文手致之草無月無日不有險阻艱難無事不共屈伸消長無况不俱已而天下皆化意見相消上至督撫下至營卒靡不外託寮友之誼內結骨肉之親其稍有扞格者則未嘗不盡情敷合之其大相陰陽者則未嘗不苦心周旋之此人豈真能潔然一無所私哉其所以克之歷之汲汲焉惟不及者誠不忍以一人之私而危害天下大局之公也去其私固濟其公非為己也抑非徒為大局也為此不忍之所至直不能一息或絕如有所驅焉不容已也其卒也於大局益於人益於己更益使天下萬世稱之兆民懷之國家尸之子孫享之功垂於宇軸精貫於靡極與起乎後賢而觀法乎來哲則是公乃真所以為大私也則是真私者乃真天下之至公也人之於身九竅四肢互相濟乃足以生其所以濟則以血輪之流注而絕無一毫之滯也以氣筋之貫達而絕無一毫之塞也今使不用於手足則必有偏枯之症矣今使不用於耳目口鼻陰陽諸竅則必有聾盲暗核滲阮之症矣使人而無手足耳目口鼻陰陽諸竅則為乾坤之廢物而已數者缺一不暢焉則非全人矣偶而中此病則有死亡之患矣夫眾人者週知所以調其血輪養其氣筋也則足以生也無疑矣夫會胡者週知所以調中國之血輪養中國之氣筋也則足以生斯世也無疑矣統地球有大血輪焉有大氣筋焉此無人調之養之者其幾微見矣故輪船火車電線郵政調血輪養氣筋之大物也各國之通商互市會盟聘好合縱連衡公理公法此所謂小調養之始也其大調養在後也今使地球之血輪不調氣筋不養則不能鄰國相望不相往來閉關鎖港絕市而相安無事也則將洗兵四洋血戰大海日月變色風雲帶憤而天地無光故夫小調養抑不可無也此非獨五洲也今夫義人之血輪不調氣筋不養則喪歐洲之大權矣今夫普人之血輪不調氣筋不養則覆於拿破侖矣今夫法人之血輪不調氣筋不養則路易喪而巴黎幾滅矣今夫俄人之血輪不調氣筋不養則殺戮相繼亂黨橫行而迄今未已矣今夫日人之血輪不調氣筋不養則困於諸侯辱於歐洲而幾亡於大將軍矣今夫事不至萬窮者則一智不開也勢不至萬迫者則一念之惻恒不肯發也水不至漲天